

Júu^ e toḡ~ fí ni~ ji` quiá'- Paa- e catíing- dsea` seeng` fí COLOSAS

1 Jnea~ Paa-, jo líin`n jaang` dsea` apóo` i jmóo` ta~ ni' júu` quiá'- Dsea` Jmáang-, co' lajob ta~ e cali'iaang` dsii' Fidiée` e cacuó'r' jnea~. Jo lana, colíing~ cóo' Timoteo, jaang` dsea` rú'naa' dsea` quiá'- Dsea` Jmáang-, ²guiéeng'~naa' júu` guicóo' quíi'na', dsea` rú'naa' dsea` quiá'- Dsea` Jmáang- dsea` neáang'na' fí na fí Colosas, 'nú' dsea` teáang'na' teá' fí guiú' cóo' dsea` do. Jo míi' i Tiquí'naa' Fidiée` cóo' gui Fíi'naa' Dsea` Jmáang- e ni'ír- güea'^ quiá'r- jee~ 'nú' jogui e nicuó'r- 'nú' e seeng'na' juguiú' júu` røø.

Mi~ féng' Paa- Fidiée` uii' quiá'- jaléng' dsea` quiá'- Dsea` Jmáang-

³Jo lacóo` née' mi~ fõng'naa' Fidiée` i líing' Tiquiá' Fíi'naa' Dsea` Jmáang-, sojiéb' cuøø-naa'r guí'máang' uii~ quíi'na'. ⁴Co' nicaline~baa' jial niteáang'na' fí guiú' cóo' Fíi'naa' Dsea` Jmáang-, jogui jial 'neáang` rúng'na' cóo' jaléng' dsea` quiá'- dsea` do i caguaaang` guí cajo. ⁵Jo jmee'ba' e jo uii' e tab` óo'na' e ni'íim'ba' jalé' e sijeeng'na' do e si'má'^ Fidiée` fí níif' quiá'r-. Co' calitab` óo'

'nú' uii~ quiá'- e jo mi~ canúu'na' júu` quiá'- Fidiée` e catíing- Dsea` Jmáang- e quiá' jial laang` dsea` jee~ dsee~ quiá'r-. ⁶Jogui e júu` nab e cagua' dsea` jee~ 'nú', jo lana nicanib' la'úng- fí jmiçüí. Jogui e júu` jo eám' cali'íing` ta~ e caquí' jíng' yaang` dsea` fí quini' Fidiée` lí' laco' nicalí jee~ 'nú' lajíi' mi~ canúu'na' jogui cangáng'na' e eám' guiúng- Fidiée` cóo' 'nú' nañi' fa' ja catíing'na'. ⁷Jo e júu` jo ca'e' i Epafras 'nú', jaang` dsea` i 'neáang'naa' eáang' i nicajmée` ta~ guia' júu` quiá'- Dsea` Jmáang- colíing~ cóo' jnea'; jo i dsea` í líiín' jaang` dsea` i cuøøm lí jmita` óo'na' cóo' i jmóo' lajíi' e iing` Dsea` Jmáang-. ⁸Jogui í bre cajo dsea` caguéiín' fí la e quier' júu` quíi'na' quiá'- jial 'neáang` rúng'na' la'eáang` cóo' Jmiguí' quiá'- Fidiée` e cangíing'na' do.

⁹Jo uuing` lajoba' ja' mi' catiuung'naa' e míi'naa' Fidiée` uii' quíi'na' latí' e jmi~ e caline~naa' júu` quíi'na'. Jogui míi'naa'r e la'eáang` cóo' Jmiguí' quiá'r nicuó'r- 'nú' e ngáng'na' jogui tíing'na' jo lajoba' niliín'na' røø e~ e iing` dsea` do e nijmée'na'.

¹⁰Jo jmeē'naa' lajo e laco' nilí'na' niliseeng'na' røø laco' catíng̃ e jmóo' dseā i cuíng̃ Dseā Jmáang̃: e jmoo'ba' lajíi' e iáang̃ dsíí' Fidiéē, jogui e jmoo'gui' cajo jmang' jalé' e guiú, jogui e licuíng̃'gui' Fidiéē e eáang'gui' cajo. ¹¹Jogui míi' bfi' Fidiéē e nicuó'r' 'nú' bí' la'eáang' cóo' e laniing' 'gøiñ' do, jo lajob nilí' 'nú' nité'na' jogui niliféng' óo'na' cóo' jalé' e nidsingíng'na', ¹²jogui nicuó'ba' gui'máang' Tiquí'ii' Fidiéē e iáang̃ óo'na', co' nicaguiéem bre 'nú' guiú e laco' niñíng'na' jalé' e jlo' e catíng̃'na' e sea' quiá' Fidiéē fí' ñiff' quiár' e nicuó'r' jaléng' dseā quiár'. ¹³Co' í'bre caleáaiñ' jneaa'aa' fí' lí' nuu' sò' e laco' jo' seē'naa' e quiu' i' 'líng' ta' jneaa'aa', jogui cajáin' jneaa'aa' fí' quini' Jóor' i' eáang' iin', jogui lana í'bing' quié' nifi' quí'ii'. ¹⁴Co' la'eáang' e cajáng' 'ñia' i' Jóor' do fí' dse' crúu, joba' Fidiéē caleáaiñ' jneaa'aa' e ca'fiñ' jalé' dsee' quí'ii'.

Jo si'naang'gui dseā cóo' Fidiéē

¹⁵Jo ja' quí' jmiñ' niníng̃ dseā Fidiéē, dsu' mĩ' níng̃ dseā Dseā Jmáang̃ joba' liñir' jial líng' Fidiéē dseā guíng̃ ñiff'. Jogui i' Jóor' Dseā Jmáang̃ do, í'bing' i' niing̃'gui lajee' lajalé' jogui lajaléng', co' niseeiñ' lajíi' 'nú'gui e nináng̃ Fidiéē guiar' uing̃ jmigüí'. ¹⁶Co' la'eáang' cóo' Dseā Jmáang̃ 'ñia'bre, Fidiéē cajméer' lajalé' e sea' fí' yú' jmigüí' jogui lajalé' e sea' fí' guóo' uó', jalé' e jnéeng̃ tá' jalé' e ja' jnéeng̃, jogui lajobi cóo' jaléng' dseā guí' i' ée' guiú i' líng' fii' jogui jaléng' i' óo' bí', jogui

jaléng' i' quidsí' í', jogui jaléng' i' quiu' ta' cajo. Jo lajaléb' e la cajmée' Fidiéē la'eáang' cóo' Dseā Jmáang̃, jogui í'bing' i' catíng̃ lajalé' e la. ¹⁷Jo lajíi' lati' mali'ba' e niseeng̃ Dseā Jmáang̃, lajíi' e nú'gui e nijmé' Fidiéē lajalé' e sea' fí' jmigüí'. Jogui la'eáang' í'bre cajo røø ngóo' laca'íng̃ ca'íng'.

¹⁸Jogui í'bre líiñ' dseā mogui' i' quié' nifi' quiá' jaléng' dseā quiár', jogui i' dseā quiár' do líiñ' lafa' coob' ngúu' táaiñ' cóo' dseā do. Jo Dseā Jmáang̃ lajíi' 'nú'gui nitiroo' jmigüí'ba' niseeiñ', jogui í'bi' cajo i' la'uii' i' cají'tu jee' jaléng' 'lii' e laco' nicár' nifi' quiá' lajalé'ba' e sea' fí' jmigüí'. ¹⁹Co' Fidiéē cali'iin' e lajalé' e líiñ' 'ñia'r' líng' Dseā Jmáang̃ cajo.

²⁰Jo la'eáang' cóo' Dseā Jmáang̃ nicajmée' Fidiéē e niliseeng̃ tu juguiú cóo'r' lajaléng' cóo' lajalé' e sea' fí' la'úng' fí' jmigüí', fa' jalé' e sea' fí' guóo' uó' jogui jalé' e sea' fí' yú' jmigüí'. Jo cajmér' lajo la'eáang' cóo' jmi'øøng̃ Dseā Jmáang̃ e catuü' mĩ' cajúin' fí' dse' crúu' e laco' niliseeng̃ juguiú júu' røø cóo' Fidiéē lajaléng' jogui lajalé' e sea'.

²¹Jogui 'nú', lami' jéeng'gui, dseā si'naang' quiá' Fidiéeb' líng'na', jogui 'ní' máam'bi' dseā do cajo, co' jmang' e 'li' í' óo'na' jogui jmang' e 'li' jmoo'na' cajo.

²²Dsu' lanagui Fidiéē nicajméer' e niliseeng̃ tu dseā juguiú cóo' dseā do la'eáang' cóo' jalé' iihuí' e cangá' Dseā Jmáang̃ fí' ngúu' táaiñ' mĩ' cajúin' fí' dse' crúu'. Jo cajméer' lajo e laco' nijáin' 'nú' fí' quiniñ', dseā nilíng'na' dseáng'

dsea` quiá'r` i` ja` si'ling` jogui i` ja` dsee` táang` jii` cõõ. ²³Dsu' 'né` jmée`na' e` ja` tã`na' e` ja` líng`na' júu` quiá'r` Dsea` Jmáang` o`gui tã`na' e` júu` ta` dsii` e` sijeeng`na' e` quiá'r` jial laang` dsea` jee` dsee` quiá'r` lí' laco' jii` e` nicanúu`na' lami` jéeng`gui. Jo e` júu` nab nicani' fí' la'úng` fí' jmigüü`, jo jnea` Paa` jmicõõ`bfi e` niguia`guí e` júu` na fí` jo.

**Jalé` ta` e` cangíng`
Paa` quiá'r` Fidiée`**

²⁴Jo iin`n iihuí' fí' ngúu` táan`n uii` e` guiaa` júu` quiá'r` Dsea` Jmáang` jee` jaléng` dsea, jo` 'nú' nica'íng`na' e` júu` jo cajo. Jo dsu' iáang` dsii` e` iin`n e` iihuí' na, co' cõõ` jalé' e` jo nijmicõõ`o e` nijmi'lié'baa lajii` iihuí' e` 'né' e` ni'íng`gui jaléng` dsea` i` jmóo` lajii` ta` quiá'r` Dsea` Jmáang`. Jo jalé' e` iihuí' e` iin`n lana nijmicõõ` quiá'r` jaléng` dsea` quiá'r` Dsea` Jmáang` i` líng` lafa' ngúu` táaiñ`. ²⁵Jo Fidiée` nicajméer` e` nilíin`n jaang` dsea` i` jmicõõ` jaléng` dsea` quiá'r`. Jo dsea` do nicacuø'r` jnea` ta` e` niguiaa` la'lié' júu` quiá'r`, jo lajob ni'uíing` guíu` quí'na'. ²⁶Jo laco' cuøøng` fé'naa' e` e` júu` quiá'r` Fidiée` do liib` eáang` si'má'r` quiá'r` jaléng` dsea, dseáng` malií`gui eáang` laco' nicangongíng` jii`, dsu' lanagui nicajmijnéem`bre e` júu` do jee` jaléng` dsea` quiá'r`. ²⁷Jo 'niab' Fidiée` cali'iiñ` cacuø'r` jaléng` dsea` quiá'r` e` tiiñ` ngáiñ` jial tí' jlo` jogui jial tí' quíng` e` júu` e` lami` si'má'r` do e` catíng` la quie`gui dsea` i` ja` líng` dsea` Israel cajo. Jo e` júu` e` lami` si'maang` do,

íb` Dsea` Jmáang` i` seeng` cøøng` cõõ` 'nú', dsea` i` ja` líng`na' dsea` Israel. Jo i` dsea` do cuø'r` 'nú' e` jmitar` óo`na' e` ni'íng`na' lajii` e` catíng`na' e` nicuø' Fidiée` jaléng` dsea` quiá'r`. ²⁸Joba' jnea` gui`naa' júu` jee` lajiiing` dsea` jalé' e` cajmée` Dsea` Jmáang`, jogui fõng`naa'r jogui ée`naa'r cartí` ningáiñ` røø, jo lajoba' nilíiñ` e` ni'lié' quiá'r` dseáng` laco' líng` Dsea` Jmáang` 'nia'r'. ²⁹Jo uii` quiá'r` e` la, jngáam`bfi dsii` e` jmóo`bfi e` ta` la, co' eáam` oo` bí' la'eáang` cõõ` e` laniing` 'gøng` quiá'r` Dsea` Jmáang` e` nicacuø'r` jnea`.

2 Jo iin`n e` ní'ba' e` jngáam`bfi dsii` e` jmóo`bfi bí' uii` quí'na' cõõ`gui jaléng` dsea` quiá'r` Dsea` Jmáang` i` seeng` fí' Laodicea, lí' lajaléng` dsea` rú'naa' dsea` quiá'r` Dsea` Jmáang` i` ja` mí' calicuíng` jnea`. ²Jo jmóo`bfi bí' e` laco' jaléng` 'nú', dsea` i` nilíng`na' dsea` quiá'r` Dsea` Jmáang`, ni'íing`gui' bí' e` laco' niliseeng`na' cøøng` e` 'neáang`na' rúng`na', jo lajoba' ningáng`na' dseáng` laco' si'f` e` júu` e` lami` si'ma` quiá'r` Fidiée` do. Jo e` júu` do, íb` Dsea` Jmáang` 'nia'r'. ³Jo jii` íb` dsea` laniing` tiiñ` quí'r` jmí` e` cuø'r` dsea` e` tiiñ` ngáiñ` laji` e` jlo` e` niguo` quiá'r` Fidiée`. ⁴Joba' fii` i` 'nú' e` júu` na e` laco' jii` jaang` ja` ii` nijmigøøng` 'nú' cõõ` jalé' júu` jlo` e` o' jal'. ⁵Dsu' nañi` fa' ja` seen` 'niá'a` jee` 'nú' lana, dsu' seem` jmigui` quie` e` cõõ` 'nú', jogui iáam` dsii` e` nú'u` júu` quí'na' e` røøb` seeng`na' colíing`, jogui e` teáb` teáang`na' cõõ` júu` quiá'r` Dsea` Jmáang` cajo.

**La'eáang' cōo'~ Dsea' Jmáam'ba'
uúing' dsea' dsea' 'máing'**

⁶Jo cō' 'nú' nica'ím'~ba' Dsea' Jmáang' e líiĩn' Fii' quíi'na', joba' 'né' ni'ee'na' laco'gui la iing' dsea' do, cō' dsea' quíá'~bre nilíing'na'. ⁷Jo síng'na' teá' yaang'na' cōo'~ júu' quíá'r~, jogui güiliseem'ba' la'eáang' cōo'r~, jogui ja' jmitúng' óo'na' lajii'~ fí' niteáang'na' cōo'r~, cō' nicajáam'~ yaang'na' fí' jaguór' lí' laco' jii'~ júu' e nica'e' dsea' 'nú'. Jogui cuøø'ba' gui'máang'~ Fidiée' contøøng'.

⁸Niing' óo'na' jo ja' cuø' fí' yaang'na' e dsea' jiéng'~ nijmigøøiĩn' 'nú' e laco' nitá'na' lajii'~ fí' niteáang'na' cōo'~ Dsea' Jmáang'. Cō' jaléng'~ i dsea' la'í' e'r' dsea' jogui féiĩn' dsea' cōo'~ jalé' júu' quíu' ta' e jmi'uúing' dsea' jmiigüi'. Jo jalé' e júu' jo ja' cøøng' røø' cōo'~ júu' quíá'~ Dsea' Jmáang', cō' jalé' e júu' jo jmang'~ júu' e casée' jaléng' dsea' mí' áang' cōo'~ jalé' ta' huí' e quí'~ tíng' dsea' e 'né' jmitir' fí' jmiigüi' la.

⁹Jo lajalé' e líing' Fidiée', líing' Dsea' Jmáang'~ nia'r', jo lajob' cajo lajee' cateaaiĩn' fí' jmiigüi' la. ¹⁰Jogui 'nú' cøøm' seeng'na' cōo'~ Dsea' Jmáang', joba' dsea' si'leem' nilíing'na' la'eáang' cōo'~ dsea' do. Jogui í'bre líiĩn' dsea' mogui'~ i quíu' ta' quíá'~ jaléng' dsea' jmiigüi'~ i quíe' nifí' jogui óor' bí' e quíu'r' ta' quíá'~ lí' doĩ' e'e'. ¹¹Jo cō' cøøm' seeng'na' cōo'~ Dsea' Jmáang', joba' jo' quíe' nifí' quíi'na' jalé' e 'lí' e lami'~ jmoo'na' do. Jo e la líi' e lafa' nica'ím'~ba' e li' e tíng' dsea' Israel tóor' fí' ngúu'

táaiĩn', dsu' o' lajo, cō' calí' lajo uúí'~ e Dsea' Jmáang'~ caleaaiĩn' 'nú' jee' jalé' dsee' quíi'na'. ¹²Jogui mí' cajgáang'na' jmiĩ', joba' líi' lafa' røøb' caláng'na' laco'gui caláng' Dsea' Jmáang', jogui lafa' røøb' cají'tu' laco'gui cají'tu' dsea' do, cō' jáb'~ calíng'na' e quíib'~ Fidiée' jmiĩ' e cajmijí'tur Dsea' Jmáang'~ jee' jaléng'~ 'líi' la'eáang' cōo'~ e 'gøiĩn' do. ¹³Jogui 'nú', lami'~ jéeng'gui do líing'na' lafa' sijúum'ba' uúí'~ dsee' quíi'na', jogui e job' cajo quíu' ta' quíi'na'; jo dsu' lana Fidiée' nicacuø'r' 'nú' e lafa' nicají'tu' laco'gui cajmijí'tur Dsea' Jmáang'. Jo la'eáang' cōo'~ dsea' doba' nica'íng'~ Fidiée' lajalé' dsee' quíi'na'. ¹⁴Jo Fidiée' cajgiéiĩn' jii' e caráang'~ e 'níing' jneaa'aa' lí' laco'gui la ta' huí'~ quíá'r~, jo uúí' e lafa' cabá' e jii' do fí' dse' crúu' cōo'~ mí'~ clavo, lajoba' cajgiéeng' jalé' e si'niing'naa' do. ¹⁵Jogui la'eáang' e catáng' Dsea' Jmáang'~ fí' dse' crúu', jo lajoba' Fidiée' ca'fiĩn' jalé' bí' quíá'~ dsea' jmiigüi'~ i 'líng'~ i quíe' nifí' jogui óor' bí' e quíu'r' ta', jogui cajmi'uøng'~ neiĩn' do fí' quini'~ jaléng' dsea' e catór' laco'gui tée' dsea' dsea' 'núung'~. Jo lajoba' cajmijnéeng' Fidiée' fí' quini'~ jaléng' dsea' e nicalí'~bre.

**Íi' óo'na' lajii'~ e sisée'
quíá'~ Fidiée' fí' nifí'**

¹⁶Jo lajob' líi', ja' jmiijí'na' mí' éeng' dsea' 'nú' cōo'~ jalé' e ú' cø'na', o'si e' jalé' jmiĩ' e jmi'goo'na' laco'o' jii', o'si fíng' jmi'goo'na' mí' yuung' si' é, o'si jial' jmi'goo'na' jalé' jmiĩ' e jmi'íng' dsea'. ¹⁷Cō' jalé' e ta' huí' na jii'~

lico' cuø' li~ quiá' jalé' e nidsijéé' cøong'gui, jo lí' lafa' i' quiá' jaang' dseá i ngóo' jéeng'gui laco' ngóor'. Jo dsu' i dseá i líing' lafa' i dseá quiá' e i' do, íb' Dseá Jmáang' 'ñia'r'. ¹⁸Jogui ja' jmijí'na' mi' jing' dseá e iin' niguír' qui'na' lajii' e nisi'ling'na' quiá' Fidiéé', fa' jaléng' dseá i tí' dsí' e jmicaaiñ' e jgiáang' yaaiñ', jogui jmféin' jaléng' ángeles, jogui jín' e ngii'gui quiá' jalé' e ja' mi' cangar', jogui jmicøong' yaaiñ' cóo' jalé' e í' dsíir' quiá' fí' jmigüí' la. ¹⁹Jo jaléng' i dseá í' si'naam'bre cóo' Dseá Jmáang' i líing' dseá mogui' quiá' jaléng' dseá quiá'r'. Jo Dseá Jmáang' cuø'bre i dseá quiá'r' do jalé' e 'néin' e laco' cøøm' seein' cóo' dseá do jogui cøøm' seein' lajee' la'ó' yaaiñ' cajo lí' laco' la iing' Fidiéé'.

²⁰Jo co' 'nú' lafa' røøb' cajúng'na' cóo' Dseá Jmáang' fí' dse' crúu', joba' jo' quiu' ta' qui'na' jalé' ta' huí' e qui' ta' tting' dseá e 'né' jmitir' fí' jmigüí' la. Joba' 'jiali' seeng'na' e ee'na' laco'gui la ée' dseá jmigüí' e núu'na' jalé' ta' huí' e jing' dseá e 'né' jmée'na', ²¹fa' mi' jín': "Ja' güí'na' e la, ja' có'na' e na' osi' ja' jmó'na' e do" é? ²²Jo jalé' e ta' huí' na' jii' lajee' cateá'ba' e íing' ta', jo' cøøb' mi' jo' e ta' íing', co' jii' dseá jmigüí' jmóor' jalé' e ta' huí' na. ²³Dsu' e jál', jalé' e ta' huí' na cuøøm' seá lí'í' dsi'naa' e guiúb', dsuco' quiu' ta' dseá e 'né' lí' e jo' e ngocáng' dsíib' laco'gui ta' quiu' fí' jmigüí' la. Jogui quiu' ta' cajo e lafa' e jmi'uøng' yaang' dseá jogui laguidseam' quiu' ta' yaaiñ' cóo' jalé' e jmóor' fí' ngúu' táaiñ'.

Dsu' ja' e ta' íing' e ta' huí' do fa' e nijmicóo' quiá'r' e jo' nijmé'guír' jalé' e 'lí' e iin' jmóor' fí' ngúu' táaiñ' do.

3 Jo co' 'nú' lafa' nicajíb'túu' colíing' cóo' Dseá Jmáang', joba' 'né' jmée'na' e í' óo'na' jii' caniing' e sisée' qui'na' fí' lí' guiú' fí' lí' guiing' Dseá Jmáang' lí' lí' dsée' cáang' Tiquiá'r' Fidiéé' fí' ñifí' quiá'r'. ²Jo íi' óo'na' lajii' e sisée' quiá' Fidiéé' fí' ñifí', jo' ja' í' óo'na' jii' cuaiñ' quiá' fí' jmigüí' la. ³Co' lí' lafa' nicajúm'ba', joba' lana Fidiéé' nicajmitar' óo'na' e nilíing'na' dseá 'míing' la'eáang' cóo' Dseá Jmáang'. ⁴Jo jii' Dseá Jmáam'bing' cuø' 'nú' e nilíing'na' dseá 'míing', jogui mi' nijmijnéng'tu' 'ña'r' jee' jneaa'aa' fí' jmigüí' la, joba' 'nú' nijnéng'na' colíing' cóo'r' jee' jalé' e niing' 'gøng' quiá'r'.

Jial líing' dseá mi' cangí e calicuíñ' Dseá Jmáang'

⁵Joba' jmee'ba' e nil'ím' jalé' e 'lí' e quiu' ta' qui'na' fí' jmigüí' la: fa' mi' 'lée' dseá e güiíin' cóo' dseañu' osi' dseam' í' o' quiá'r', osi' jalé'gui e 'lí' e jíé' e jmoo'na' cóo' ngúu' táang'na', osi' jmití'na' jalé' e iing' ngúu' táang'na', osi' í' áa'na' e jmée'na' jmang' e 'lí', osi' suung'na' lí' doñi' ee' e ja' catíing'na', co' e na' lí' lafa' e jmféng' dseá diée' i' o' jál'. ⁶Jo co' jmóob' dseá jalé' e na, joba' iihuí' eáam' nicuø' Fidiéé' jaléng' i dseá la'f' i ja' núu' júu' quiá'r'. ⁷Jogui 'nú', lajob' lami' seeng'na' e jmoo'na' jalé' e 'lí' na. ⁸Dsu' lana 'né' tú'ba' jalé' e na: fa' mi' liguíng'na', osi' mi' 'ní' óo'na', osi' mi' jmoo'na' jalé' e 'lí',

osi mi' fól'na' gá uii' quíá' jaléng' dseá' rúng'na', osi mi' fól'na' jalé' júu' e 'li' e jíé'gui é. ⁹Jogui ja' fi' rúng'na' júu' e o' já', dsuco' lana nicatúu'ba' e lami' jmoó'na' e eáang' beáang' dsee' yaang'na' cóo' jalé' e gá e nicasi' nifi' quíi'na' lami' jéeng'gui do. ¹⁰Joba' lana dseá' 'míing' nilíing'na', jo Fidiéeb' dseá' jmóo' e nili'míing'gui' e laco' ni'ee'na' laco'gui la ée' dseá' do, jo lajoba' nilicuíing'gui' dseá' do dseáang' laco' sí'í'. ¹¹Jo ja' e língii' fi' quini' Fidiéé' su líing'na' dseá' Israel osi ja' líing'na' lajo é, osi tóo' e lí' fi' ngúu' táang'na' osi ja' tóo' é, osi líing'na' dseá' i jalíing' tí' lí' hufii' osi i neáang' tí' lí' hufii' lí' jíé'gui é, osi líing'na' dseá' sí'niing' osi fii' i quíu' ta' é. Co' lajii' Dseá' Jmáam'bing' niing'gui jee' lajalé' cóo' jee' lajaléng', jogui í'bre seeiñ' cøong' cóo' jaléng' dseá' quíá'r' cajo.

¹²Jo Fidiéé' eáam' 'neáaiñ' 'nú', jogui nicaguíñ' 'nú' e laco' nilíing'na' dseá' quíá'r'. Joba' güiliseem'ba' e jmoó'ba' fi' líing' rúng'na', jogui e guiúng'na' cóo' dseá' rúng'na', jogui e ja' jmicøong' yaang'na' jee' dseá' rúng'na', jogui e ee'ba' guiú' cóo' jaléng' dseá' rúng'na', jogui e jmée'na' féng' áá'na' uii' quíá' rúng'na' cajo. ¹³Jmee'ba' féng' óo'na' quíá' dseá' rúng'na', jogui íing'na' dsee' quíá' rúng'na' mi' eegó' léer' quíi'na'. Jo laco'gui Dseá' Jmáang' ca'íim'bre dsee' quíi'na', joba' lajob' 'né' jmée' 'nú', 'né' íim'ba' dsee' quíá' jaléng' dseá' rúng'na'. ¹⁴Dsu' e nifi'gui quíá' jalé' e la e røøb' 'né' nijmi'neáang' rúng'na'

lajee' la'ó' yaang'na', co' lajoba' niliseeng'na' cøong' dseáang' laco' sí'í'. ¹⁵Jo co' Dseá' Jmáam'bing' cuø' 'nú' e seeng'na' juguíá' júu' røø, 'nú' dseá' líing'na' dseá' quíá'r', joba' seem'bi' la'eáang' cóo' e juguíá' júu' røø do, co' uii' lajoba' catø' Fidiéé' 'nú' e nilíing'na' lafa' coøb' ngúu' táang'na' la'ó' 'nú'. Jo cuøø'ba' Fidiéé' gui'máang' cóo' lajalé' e jmóor' cóo' 'nú'.

¹⁶Jo 'né' quíe'bi' nifi' quíi'na' júu' quíá' Dseá' Jmáang'. Jogui ée' rúng'na' jogui cuøø' bí' rúng'na' cóo' jalé' júu' niguó' e niñi'na'. Jogui cuøø'ba' gui'máang' Fidiéé' e óna' júu' e toø' fi' ni' jii' salmos cóo'gui jalé'gui júu' e ø' dseá' quíá' Fidiéé' cóo'gui jalé' júu' e cuø' Jmiguí' quíá' Fidiéé' cajo.

¹⁷Jogui jalé' e jmoó'na' jogui jalé' e fól'na', jmee'ba' la'eáang' cóo' júu' quíá' Dseá' Jmáang' e cuø'na' gui'máang' Tiquí'ii' Fidiéé' la'eáang' cóo' Fíi'naa' Dseá' Jmáang'.

Jial 'né' seeng' dseá' quíá' Dseá' Jmáang' jee' la'ó' rúiiñ'

¹⁸Jogui 'nú', jaléng' dseamf, jmi'goo'ba' jaléng' dseañu' quíi'na', co' lajob' catíing' e jmóo' dseá' quíá' Dseá' Jmáang'. ¹⁹Jogui jaléng' 'nú', dseañung'na', jmi'neáang'na' dseamf quíi'na', jogui ja' jmoó'na' ta' jíing' cóo'r'.

²⁰Jogui jaléng' 'nú', jiuung', núu'ba' jalé' ta' quíu' tiquíi' niquíi'na', co' lajoba' e íáang' dsí' Dseá' Jmáang'. ²¹Jogui jaléng' 'nú', dseá' líing'na' sejmi', ja' jmoó'na' e nilíguíing' jiuung' quíi'na', jo lajoba' ja' nilítúng' dsíir' cóo' jalé' e 'né' jmér'.

²² Jogui jaléng' 'nú', dseà ì jmóò ta~ e ja' eé 'léeng', jmee-ba' núu~na' jalé' ta~ quiu' fii~ quíi~na' fí' jmiǵüí' la; dsu' o' jíí' mĩ nír' 'né' cuó' áá'na' e laco' nijmigiúing~ yaang~na' fí' quinir~, co' e ngocáng' óo'ba' 'né' jmée~na' e jmi'goo~na' Fidiée'. ²³ Jo lajalé' e jmoo~na', 'né' jmée~na' e ngocáng' óo'ba' lí' laco' quiá'~ 'ñiab' Fidiée' e jmoo~na' e jo, jo o' laco' mĩ jmoo~na' lajíí' e iing~ dseà jmiǵüí'. ²⁴ Co' niñib' 'nú' e seab' guíeé' quíi~na' e catíing~na' fí' jmiǵüí' coo' e nicuó' Fidiée' 'nú'. Dsuco' jaléng' 'nú' jmoo~ba' lajíí' e iing~ Dseà Jmáang~, jogui íb' dseáng' ì líing' Fii~ quíi~na' cajo. ²⁵ Dsu' ì dseà'gui ì jmóò ga, joba' Fidiée' nicuó'r' iihuí' ì dseà í' quiá' lajíí' e ga e jmóoiñ' do, co' ja' jmingí' Fidiée' e líing' dseà lajaang' lajaañ', co' røøb' niquidsir' í' quiá' lajíí' dsee~ seà quiá' dseà mĩ nití' í' lajo.

4 Jogui jaléng' 'nú', dseà líing'na' fii~, ee~ba' guiá' cóo'~ jaléng' dseà ì jmóò ta~ quíi~na' ì ja' eé' 'léeng', jogui quíeé'na' í' júu' quíi~na' cóo'r'. Jogui tée' óo'na' cajo e seem' jaang' Fii~ quíi~na' fí' ñíf' ì quíe' nifí' quíi~na'.

² Jo jaléng' 'nú', dseà neáang'na' fí' Colosas, ja' tiúung'na' e fóng'na' Fidiée', jo lajee' jo 'né' e siñiim' áá'na' cajo, jogui yejí' cuó'~ba' gui'máang' Fidiée'. ³ Jogui féem'~ba' Fidiée' uii~ quíi~na' cajo e laco' seà fí' e guiá'naa' júu' quiá' Dseà Jmáang~ e si'ma' lami~ jééng'gui do, co' uii~ e guiaa~ e júu' jo, joba' siñiñ' n lana. ⁴ Jogui mii'~ba' Fidiée' e ni'é'guí' e júu' la dseáng' laco' si'f' e laco' ningáng' jaléng' dseà, co' lajob catíing' e nijmee'e.

⁵ Jogui ee~ba' røø' cóo'~ jaléng' dseà ì ja' cuíing' Dseà Jmáang~ lí' laco'gui catíing~ e jmóò dseà quiá'r~, jogui lajee' jo jmi'óo'~ba' e fóng'na'r júu' quiá'~ Dseà Jmáang~. ⁶ Jogui féem'~ba'r cóo'~ jmaang'~ juguiá' e nití' dsiír', jogui 'né' ñí'na' jial ningíi~na' quiá'~ lajaang' lajaang' ì dseà ì fóng'na' do.

Júu' guicóo'~ e cadséng~ quiá'~ Paa~

⁷ Jo Tíquico, jaang' dseà rú'naa' dseà quiá'~ Dseà Jmáang~ ì 'neáang'naa' eáang' ì contøong~ nicajmicóo'~ jnea~ jogui colíim~ nicajmó'naa' lajíí' e iing~ Fii'naa' Dseà Jmáang~, jo í'bing' nicá' júu' quíe' e fí' na. ⁸ Jo nisíñ'nre fí' na cóo'~ 'nú' e laco' niliñí'na' jial see~naa' fí' la jogui e laco' nicuó'~guir 'nú' bí' cajo. ⁹ Jogui cóo'~ ì nab cajo nijang' Onésimo, jaang' dseà rú'naa' dseà quiá'~ Dseà Jmáang~ ì ta' dsi'naa' cóo'~ jogui ì ii'naa' eáang' jogui ì líing' dseà góo'na' cajo. Jo ì dseà gáng' la nijmeá'r~ 'nú' júu' jalé' e dsingíi~naa' fí' la.

¹⁰ Jogui Aristarco, jaang' dseà rú'naa' dseà quiá'~ Dseà Jmáang~ ì iuung~ 'nuñí' colíing~ cóo'~ jnea~ fí' la, guiéiñ' júu' guicóo'~ quíi~na' cajo, jogui lajobi ì sii' Marcos cajo, jaang' rúng' Bernabé. Jogui 'nú', nicanúu'ba' júu' quiá'~ Marcos; jo song dsi'eer~ 'nú', íim'~ba'r cóo'~ e guiá' fí' na. ¹¹ Jogui lajobi Chúi', ì sii' bi cajo Justo, guiém'bre júu' guicóo'~ quíi~na' cajo. Jo jíí' ì gaang' lab dseà Israel dseà quiá'~ Dseà Jmáang~ ì nicajmée' ta~ colíing~ cóo'~ jnea~ cóo'~ jalé' ta~ guiá' júu' quiá'~ jial quíe'

Fidiéé' nifí' quiá' jaléng' dseá' jmiǵúí', jogui nicajmicóo' bre jnea' e catí' gui dsii' cajo. ¹² Jogui lajobi Epafras, jaang' dseá' góo'na' i jmóo' lajii' e iing' Fii'naa' Jesús, guiéiñ' júu' guicóo' quií'na'. Jogui contøøm' féiñ' Fidiéé' uii' quií'na' e ngocáng' dsíir' e laco' teáang'na' teá' lajii' fí' niteáang'na' e dseáng' nijáam' yaang'na' e jmée'na' jalé' e iing' Fidiéé' e jmée'na'. ¹³ Jo niñib' jnea' jial guing' dsíi' í' uii' 'nú' jogui uii' quiá' dseá' neáang' fí' Laodicea cóo' gui fí' Hierápolis cajo. ¹⁴ Jogui Lucas, jaang' timí' i 'neáang'naa' eáang', guiéiñ' júu' guicóo' quií'na' coliiing' cóo' jaang' i sii' Demas.

¹⁵ Jogui 'nú', dseá' neáang'na' fí' Colosas, cuøø'ba' guicóo' jaléng' dseá' quiá' Dseá' Jmáang' i neáang' fí' Laodicea cuaiñ' quié'e,

jogui lajobi Ninfa cóo' lajaléng' dseá' i seáng' i jmiféng' Fidiéé' fí' quiá'r'. ¹⁶ Jogui mi' ningf' e ni'f' 'nú' e ji' quié'e la fí' quini' jaléng' dseá', síim'ba' quiá' dseá' quiá' Dseá' Jmáang' i neáang' fí' Laodicea, jo lajob ni'f'r' cajo; jogui lajobi 'nú' ni'f'ba' ji' quié'e e ni'íing'na' e jáa' fí' Laodicea cajo. ¹⁷ Jogui síi'ba' Arquipo cajo cuaiñ' quié'e e güijmiti' bre røø' lajii' ta' e nicacuø' Dseá' Jmáang' ír'.

¹⁸ Jnea' Paa' jmo'o e júu' guicóo' quií'na' la cóo' guóo'o 'niía'baa. Jo jmiǵuiéng' áa'na' cajo e sijním'baa fí' la.

Jo míi' i Fidiéé' e ni'f'r' güea' quiá'r' jee' 'nú'. Jo lajob nilí'.

Jo lanab' jii' féi' ji' quiá' Paa' e catíing' jaléng' dseá' quiá' Dseá' Jmáang' i seeng' fí' Colosas.